



IPA Brčko
Servo per Amikeco

UGOVOR O POSLOVNO-TEHNIČKOJ SARADNJI

zaključen dana 23.04.2015. godine
između

1) **VŠU Evropski univerzitet Brčko distrikt**, sa sjedištem u Brčkom, na adresi Bijeljinska cesta br. 72-74, koga zastupa rektor prof. dr. Mirko Kulić, s jedne strane,

i

2) **SUG "IPA-Regionalni klub" Brčko distrikt**, sa sjedištem u Brčkom, na adresi Trg mladih br. 10, koga zastupa predsjednik Mustafa Ibrišimović, s druge strane.

Član 1.

Ugovor je zaključen s ciljem međusobne saradnje ugovornih strana u budućem procesu obrazovanja, naučno-istraživačkog rada i drugih poslova u okviru registrovanih djelatnosti.

Član 2.

Ugovorne strane će nastojati da razvijaju međusobne veze prema principima zajedničke koristi, opšteg društvenog interesa, te zajedničke komplementarne djelatnosti.

Ugovorne strane će uložiti najveće i iskrene napore da se ovaj ugovor realizuje.

Član 3.

Ciljevi saradnje:

1. razvoj i podsticanje zajedničkih istraživanja, seminara, međunarodnih konferencija, uz napore da se obezbijede eksterni izvori finansiranja;
2. razvoj razmjene znanja i naučnih informacija kroz recipročnu razmjenu naučnih i stručnih publikacija, e-publikacija, akademskog materijala, stručnih izvora i drugih resursa;
3. ohrabrivanje i drugih akademskih projekata i aktivnosti upućenih prema drugim partnerima i ostalim izvorima finansiranja neprofitnih i akademskih projekata;
4. podsticanje i drugih akademskih aktivnosti za koje se obje ugovorne strane slože da su od zajedničkog interesa i koristi.

Član 4.

Područje saradnje će uključivati bilo koje akademske i druge naučne odnose, kao i stručne programe koji su akreditovani i registrovani u bilo kojoj od ugovornih strana u cilju razvoja zajedničkih aktivnosti u nastavnim i akademskim oblastima koje su od obostranog interesa, na bazi kvaliteta i reciprociteta.

Ugovorne strane će podnositi prijedloge vezane za zajedničke projekte prema odredbama ovog ugovora putem rukovodećeg izvršnog osoblja ili putem drugog nadležnog osoblja.

Izveštaj o toku izvršenju projekata podnosi se rukovodećim organima ustanova nakon završetka implementacije svakog projekta.

Član 5

Ovaj okvirni Ugovor je izraz opredjeljenja, a ne preuzimanja obaveza za rad ili ugovorno obavezujućih angažmana potpisnica Ugovora na navedenim pitanjima, te ga treba posmatrati kao inicijalni dokument zajedničke saradnje čiji će okviri, smjerovi i konkretni oblici djelovanja biti posebno dogovoreni.

Član 6.

Ugovorne strane će eventualne sporove rješavati sporazumno.

Član 7.

Ovaj ugovor se izrađuje u 4 (četiri) primjerka, od kojih svaka ugovorna strana dobija po 2 (dva) primjerka.

Član 8.

Ugovor stupa na snagu danom potpisivanja obje ugovorne strane.



Za Evropski univerzitet
Brčko distrikt

Prof. dr Mirko Kulić

Broj: 270-1/2015
Datum: 23.04.2015.



Za SUG "IPA-Regionalni klub"
Brčko distrikt

Mustafa Ibrišimović

Broj:
Datum: 23.04.2015.